

مجموعه اسلامی

ذی القعدة ۱۳۳۸

مرکز توزیع:
باب عالی جاده سنده
(اتحاد تجارت)
کتابخانه سی ایله
(یکی نورکيه)
مطبعه سی

اداره خانه سی:
باب عالیده
(یکی نورکيه)
مطبعه سی فوقنده کی
دائرة مخصوصه

شرائط اشترا:

هر سنه يك برنجی وایکیتی آلتی آیلغندن اعتباراً آتونه قید اولونور.
سنه لکی: اون ایکی نسخه اولق اوزره پوسته اجرتیه برابر
(۱۰۰)، آلتی آیلغی: (۵۰) غروشدرد. مالک اجنیه ایچین
۵۰ و ۳۰ غروش علاوه سی لازمدر.



شرائط تحریر:

اسلامك نفعیه خادم یازیلر مع التشر قبول و نشر اولونور. یازانك
شخصیتی دکل، یازینك ماهیتی نظر دقتیه آلتیر. کونده ریله جك آثار
اوقوناقلی و مختصرجه یازیلش اولالیدو. کلن یازیلردن شایان قبول
کوردولنلر تاریخ صیراسیله درج ایدیلیلر.

نك چكن سنه لره عائد و يك چوق معلومات مفیده یی حاوی اولان نسخه لری منتظماً
دیگیلمش و اوزره رلرینه قالین برر قاپاق کچیریلر ك مجلد كتاب حالته كتیرلشدرد. خیرالانیس
اولابيله جك بونفیس كتابلردن برنجیسنك موجودی بیتمش، ۷-۱۲ نجی نسخه لری پراکنده
اولارق قالمشدر. بهر نسخه سی ۱۰ غروشدرد. ۲، ۳، ۴ وه نجی جلدلر ك بدلی پوسته اجرتیه
برابر یوزر غروشدرد. طوغروندن طوغرویه اداره خانه یه داخلدن ۳۰۰ خارجدن ۳۵۰ غروش کونده ریلدیکی
صورته هر درت جلدی یوللانیر.

مجموعه اسلامی
۱۳۳۸

موهومیه دن عبارتدر . بو فکر ، بوبابده تدقیقات علمییه ده بولونمایانلرک تخمینات عندییه سندن باشقه برشی دکدر . اولر ، دیدیکمز کی اشیا دن زیاده اشیا نك کنديلرنده حاصل ایدیه جکی تأثیره اعتنا ایدهرلر .

استخراج معانی بر قورونتومی ، یوقسه بر فراست مسئله سیمیدر ؟ ان شاء الله کله جک مقاله ده بوندن بحث ایدیه جکدر .

دار داغان زاده

احمد لطیف

غریبه اسمیانه علم نسیات

عالم اسلام سالنامه سی

محرری : لوتی ماسینیون . پارس ۹۲۴

فاس هیئت علمییه سی طرفدن پارسده نشر اولنان فرانسزجه (عالم اسلام مجموعه) سنه دأر مستشرق موسیو (لوسییه ن بووا) نك ویردیکی معلوماتی رشید مظهر بك آرقداشمز پارس مکتوبلرنده بیلدیرمشدی . بو مهم علمی مجموعه نك اسلام تشکیلاتی و حیات اجتماعییه سنه عاڈ طویلادینی و نائقی مسلمان عالمنك غربیلیرجه طائمانی ایچون ایلک مرحله نی تشکیل ایتشدی . فقط بوتدقیقاتدن عمومك استفاده ایدیه بیلیمسی آنجق ده ا عملی بر اثر ایله قابلدی . کین سنه مستشرق موسیو لوتی ماسینیونك تحت اداره سسند نشر اولنان (عالم اسلام سالنامه سی) بومقصدله وجوده کتیریلشدر . ۱۹۰۲ دن ۱۹۲۲ یه قدر كرك (قوله ژ دو فرانس) اجتماعات کرسیسی ، كرك فاس هیئت علمییه سی ، كرك مجموعه طرفدن نشر ایدیلن یوزه بالغ آثارك برخلاصه سی یاییله رق سالنامه ساحه انتشاره وضع ایدیلشدر .

مقدمه یی یازان موسیو (لوشاتوایه) نك دیدیکی کی «عالم اسلام سالنامه سی ، اسلام مالکی ایلهدیکر مالک آره سسند کی مناسباتی تأمینه خادم بر رهبر ضروری و مسلمان جامعه سی افرادینك مفید بر یاردیمجیسی اولاجقدر ، اسلامیات ایله علاقه دار اولانلر بوراده اجتماعی ، تاریخی و اقتصادی مباحث بولاجقدر که ایدیندکری معلومات ایله ده ا مفصل آثاری قولایلقله تتبع ایدیه جکدر .

اثرک خلاصه مندرجاتی بروجیه آتیدر :

برنجی قسم : معلومات عمومییه .

۱۹۲۰-۱۹۲۴ سنه لری تقویملری

(۱) تقویم هجری (۲) تقویم مالی (۳) علم انواء (۴) مهم بایراملر .

اسلامك مهم تاریخلری : (۱) اسلامده کی تشکیلات اجتماعییه و تحریات علمییه نك قرونولوژیسی (۲) صنایع نفیسه و ادبیاته عاڈ مهم تاریخلر . ۹۲۱ و ۹۲۲ نك تاریخچه سی .

ایکنجی قسم : مسلمان مالکنك هر برینه دأر ایستاتستیک و معلومات مجمله .

سالنامه ده کی ایستاتستیکلره نظر آ بوتون دنیاده کی مسلمانلرک عددی ۲۲۷,۱۰۷,۵۰۰ درکه مختلف مالکه کوره بروجیه آتی تقسیم اولونور :

عربستان : ۱۱,۰۰۰,۰۰۰ ، نفس آفریقا ۳۷,۳۹۰,۰۰۰ بالقانلر : ۳,۲۰۰,۰۰۰ ، آسیا : ۱۷۱,۳۹۶,۰۰۰ ، اوقیانوسیا ۷,۵۰۰ ، آمریکا : ۱۴۰,۰۰۰ ، آوروپای غربی ۴۰,۰۰۰ (بورقار ۱۹۲۳ سنه سی ایچوندر) موسیو میشوبلله ر ، مارتی ، قاباتون و بووانك یاردیمیه وجوده کلن بومهم اثر قیلندن نشریاتی مملکت مزده ده کورمکی تمی ایلرز .

عالم اسلام مجموعه سی [۰]

برنجی قسم ۱۹۲۴ جلد ۵۷
مجموعه نك اخيراً ورود ایدن ۵۷ نجی جلدنده
(پچوی) تاریخنه عائد بروثقه و-اسلامیاته دائر
یکی نشریات مندرجدر .

مهری

مجله ادبی :

وداع

هجرائی افکارده اوچان پنبه ضیال
ساکن دکزک نقشه زرینی اولورکن
مہتر قرق صمت وجیزنده کی اشعار
یادمده او یاندرماده بر لوح مزین ،



بر لوح مزین کہ : دکزلرله سہالز
بر حجلہ مسعودہ قوروب نشوہ بولورکن
تبریک ایدیور عشقمزی لیل صفدار ،
تسعید ایدیوردی بزی بیک زہر ملون .
چہرہ ک بو بدایعدہ محاسن صاحیوردی ،
زلفک تیتہرکن شی تنظیر ایدیوردی ،
صوک بوسہ سودا ایسہ ہجران آچیوردی ،
آرتق شب مسعود ابدیاً کیدیوردی .
خواجہ زادہ

م . م .

مجله تاریخی :

اعظام فلکیون اسلامیہ دن :

« عبدالرحمن الصوفی »

ایشنبہ ؛ بیک سنہ اولہ عائد برداہی ، برہیئت

[۰] Editnen Ernest Leroux 28. Rue Bonaparte. Paris

شناس کہ !... کلہ نك بتون معناسیلہ علمادن اولوب
فلکیاتہ عائد مسائلده وبو وادیدہ کی کشفیاتده ،
ارض کندیسنہ شیمیدی یہ قدر ہنوز بررقب
بسلمہ مش و بر لقمہ آتمک یدرہ مشدر !... اگر
« داهی » لفظنک فوقندہ دہا یارلاق و دہا شمولی
بر کلہ بیلسہ ایدم اونی ہم ایلک و ہم صوک دفعہ
اولق اوزرہ مشارالیہ حقندہ قولانمق ایچون بر آن
غیر منقسم قدر بیلہ تردد ایلز ایدم .

فی الحقیقہ ؛ زمانزدن اون عصر اول بر حیات
بولنمش اولان مشارالیہ اودرجہدہ بیوک برہیئتشناس
ایدی کہ النده بالطبع تلسقوب و یادورین بولندینی
حالدہ زمانزدن آنجق و آنجق ایکی سنہ اول کشف
ایدیلہ بیلن بر چوق حقایق قطعیتلہ سویلہ مش ،
عتیق قرق سکز برجک درت بیکدن فضلہ کواکی
حقندہ تدقیقات مکملہ و صریحہدہ بولونمش ، بوکون
بیلہ بوتون رصدخانہ لرہ اساس تشکیل ایدن « قدر »
درجہ لرینی مع کسورات یازمش ، بروج سہاویہ یی
بطائیموسلہ نسبت قبول ایتمز درجہدہ کوزل تصویر
ایلہ مش ، و فضلہ اولہرق عالم بشریتہ ، « فلکنہا »
کی پک معظم بر اثر اهدا ایلشدر . « صورالکواکب »
نامیلہ مشہور و پک مرغوب اولان اثرینہ دخی
ضایع اولمش نظریلہ باقیمقدہ ایکن اخیراً پترسبورع
کتبخانہ سندہ بولنمشدر کہ بو کتابدہ بروج سہاویہ نك
ترسیمندہ کوستردیکی مہارت ہر درلو تقدیراتک
فوقندہ در . مع التأسف اول امرده شونی خبر
ویرہ لم کہ ، عبدالرحمن الصوفی یی اسلام عالمی لایقی
درجہدہ طانیامش و تعبیر دیکرلہ مکمل بر ترجمہ
حالی یازمامشدر . مثلاً قاموس الاعلامدہ بوذاتک
اسمنہ بیلہ تصادف ایدلنز . [۱]

[۱] الصوفینک اثرینک مہم پارچہ لرینی ایلک دفعہ
اولارق مستشرق (طوماس ہاید) (۱۶۳۶-۱۷۰۳)
۱۶۶۵ سنہ سندہ نشر ایتمشدر . ۱۸۷۶ تاریخندہدہ
پترسبورغدہ فرانسجہ ترجمہ سی نشر اولنمشدر .